

MAZINAAKIZIGAN E'NAAKNIGENG

GICHI GIMAA ANISHINAABE GABE GIIZHIG GIKINO AMAADIWIIGWAAMAN MAAMOWI YAANG DIKONIGEWIN

(Ekwa niizhing)

1. GAABI AZHIWEBAK/KINA GNOWAABMJIGAADeg

Maanda mazinigan dazhiikaan owi "Ekwa Niizhing Zhichigewin" debaachigaadeg zhiwe Mazinaakizigan E'naaknigeng etemgag zhiwe Aankobiigan F owi owi Giizhiikigaadeg Dibamaadiwin Bezhiwendamowin. Maanda gikendamowin etemigak zhinda waamdowemigad giigseg minik maamowi yaang waajii-ejig agaa bozibiigejig gewe Gowling WLG agaa kwa maajitaamigag Ntam Zhichigewin owi Mazinaakizigan E'naaknigeng. Maanda mazinigan adaa dago ginjigaade owi Genobiigaadeg Mazinaakizigan E'naaknigeng e-dagosing zhiwe Aankoosijigan F owi Giizhiikigaadeg Dibamaadiwin Bezhiwendamowin.

Bezhiwendamowin- agii maamowi wiindamaagewog Garry McLean, naagaanzid giigidotamowaad e'dikonigejig, miinwaa Gimaa newen Anishinaabe Wijiindiwin, owi Gichitwaa Carolyn Bennett, owi apii Manido Giizisoons 6, 2018.

Onaabidin Giizis 12, 2019, gewe waadokodaazijig agii maajitaawog owi **Giizhiikigaade Dibamaadiwin Bezhiwendamowin** agaa minwaamjigaadeg odi Gichi Gimaa Dibaaknige Gamgig. Owi Giizhiikigaadeg Dibamaadiwin Bezhiwendamowin miigwemigad bebezhiig dibagewin newen wiisigikaagewin agaa nigaagowaad gewe agaa gikinomaagaazijig epiichi zhaawaad odi Gichi Gimaa Anishinaabe Gabe Giizhiig Gikino Amaadiwiigwaam maage Gichi Gimaa Gabe Giizhiig Gikino Amaadiwiigwaam, owi agaazhi gikenjigaadeg odi giuwedaning. Debagesemigag wiisigikaagewin agaa nigaagowaad bebezhiig binoojiinig dagosinonon wi yaw miinwaa maazhidodamowin goopajichigewin miinwaa agadendimichigaazwod miinwaa dibasinigaazwod nikaaziwaad ado inwewinwaa minwaa inaadiziwinwaa zhiwe enji gikino amaading. Miinwaa age aanke owi bebezhiig dibamaagewin, owi Giizhiikigaadeg Dibamaadiwin Bezhiwendamowin miigwemigad \$200 million awii nikaazang awii maajiishkaachigaadeg Giizhiikigaadeg Zhoonyaa awii naagdowenjigaadeg owi McLean Gabe Giizhiig Gikino Amaadiwiigwam Giizhiikigaadeg Maamwichigejig, age gagaandanamwaad nankiiwinan onji noojimowin, mina yaawin, skoonwiwin, iniwewin, inaadiziwin miinwaa minaadenjigewin.

Zhiwe owi Debwemigag Naaknigewin, waajii-ejig owi **Agaa Zhaabshkaajig Maamowi Yaang Waajii-ejig** kina age bemaadzijig, dibigowiidig nongo endinakiwaad maage endaniziwaad, agaa zhaajig odi Gichi Gimaa Anishinaabe Gabe Giizhi Gikino Amaadiwiigwaam maage Gichi Gimaa Gabe Giizhiig Gikino Amaadiwiigwaam apiichi owi Maamowi Yaang Dikonigewin apii. Owi Maamowi Yaang Enigokwaag¹ megwaach aawan 120,000 apiinish 140,000 bemaadzijig, owi bezhiig gindaasowin "megwaach inendaagwod" aawang 127,000 yaa-aabi bimaadiziwaad Binaakwe Giizis 2017. Owi Maamowi Yaang Enigokwaag nendaagwod ani naashkaamigag megwaach agwa 2,000 bemaadzijig ensa biboon. Memaanji niibna agwa Maamowi Yaang Waajii-ejig nendamam aawiwaad Anishinaabek maage Inuit. Dash newen memaanji niibna Gichi Gimaa Anishinaabe Gabe Giizhiig Gikino Amaadiwiigwaaman miinwaa Gichi Gimaa Gabe Giizhiig Gikino Amaadiwiigwaaman yaawang owi dikonigewin agii tenoon shkoniganing maage Inuit kiing, gewe agaa kinomaagaazijig memaanji niibna ada aawiwog Anishinaabek maage inuit.

¹ JDM Actuarial Expert Services, *Gagweji dibizhigaadeg engokwaag Maamowi Yaang Waajii-ejig agaa zhaajig odi Gimaa Gamig Gabe Giizhiig Gikino Amaadiwiigwaam maampii Gaanada*, agii Ozhiton Peter Gorham, 15 Zaagibagaa Giizis 2018 aawang 18.

Owi **Inodewiziwin Maamowi Yaang Waajii-ejig** aawiwog kina bemaadizijig agaa wiijiindijig maage zhaazhigwa agaa wiijiindijig, binojiin, oshenwig maage odowemaawin owa waajii-ed owi Zhaabshkaajig Maamowi Yaang Waajii'ejig miinwaa owa wiidigemaaganan owa binoojiin, oshenin maage odowemaawin owa agaa Zhaabiwiid Maamowi Yaang Waajii'ejig.

Maamowi Yaang Minik dagosin owi minik onji miinwaa dagosing Manido Giizis 1, 1920 miingwaa ekwaaseg owi apii agaa gabaakogaadeg wegwen agwa Anishinaabe Gabe Giizhig Gikino Amaadiwiigwaam maage Gichi Gimaa Gabe Giizhig Gikino Amaadiwiigwaam, maage owi apii naagdowenjigaadeg miinwaa bamibidechigaadeg wegwen agwa Gabe Giizhig Gikino Amaadiwiigwaam agii aanjisijigaadeg onji Gaanada maage giishpin agii bwaa anjisijigaadeg onji Gaanada, owi apii agaa bagidendamowaad owi aanjisijigewin gaawii agi daapnigaadesinag owi agaa mdookdaagaadeg Anishinaabe Inakaaneziwin maage Odena.

Zhibiigaadenon **Gichi Gimaa Anishinaabe Gabe Giizhig Gikino Amaadiwiigwaaman miinwaa Gichi Gimaa Gabe Giizhig Gikino Amaadiwiigwaaman** agaa dagosin owi *McLean* Maamowi Yaang Dikonigewin Giizhiikigaadeg Dibagewin agii waamdowem gikendamowin ako Naabidin Giizis 15th, 2019, zhiwe Gabe Giizhi Gikino Amaadiwaagwaam waasamo-asabi mazina-igan; www.indiandayschools.com. **Zhaabshkaajig Maamowi Yaang Waajii'ejig** agaa zhaajig odi Gabe Giizhig Gikino Amaadiwiigwaam dagosin zhiwe Aankoosijigan K owi apii owi apii agaa dibagaadeg, naagdowenjigaadeg miinwaa bamibidechigaadeg owi Gaanada adaa wiikijinaawog awii gagwedwewaad awii dibamaagaaziwaad zhiwe Gagwedwewin Zhichigewin. Dibamaagewin gewe **Zhaabshkaajig Maamowi Yaang Waajii'ejig** agaa kinomaagaazijig dibaamjigaade owi wiisigikaagewin agaa nigaagowaad. **Inodewiziwin Maamowi Yaang Waajii-ejig** gaawii ada debnaziinaa-aa gagwek dibagewin zhiwe Giizhiikigaade Dibamaadiwin. Meshkwad dash Gaanada ada diba-aan \$200 million Ondiziwin Zhoonyaa, e' dagosing minaadenjigewin maawinjidiwin odi odeniwining, mina-yaawin miinwaa noojimowin zhichigewinan gewe Zhaabshkaajig miinwaa Inodewiziwin Maamowi Yaange Waajii-ejig, miinwaa nankiwinan owi ganowenjigaadeg Anishinaabe iniwewin miinwaa inaadiziwin.

2. Naaknigewin Maandobiigan

Owi *Mclean et v Gaanada* **Mazinaakizigan E'naaknigeng** dibigenjigaade engokwaag miinwaa enigokidewaag gewe Maamowi Yaang Waajii-ejig engokwaag Gaanada, memdage agwa gnowaamjigaadeg epiitiziwaad gewe genwaamjigaazijig maamowi yaang waajii-ejig, bebezhig agii skonwiwaad agaa zhiwebiziwaad, aki swesing, iniwewin aawechige miinwaa ngadendamang gete inaaajimowin miinwaa waasamo biiwaabikong inaaajimowin nikiwaa awii wiindamaageng.

Owi Mazinaakizigan E'naaknigeng agii bakwengaade niish zhichigewinan:

Owi ntam zhichigewin agii wiindimaaagem owi enaaknigaadeg giizhiikigaadeg dibamaadiwin, owi apii miinwaa awaanji temgag owi giizhiikigaadeg dibamaadiwin minwaamjigaadeg bazindaajigewin, aapiish miinwaa aaniish awaazhi debnigaadeg gikendamowin owi onji giizhiikigaadeg dibamaadiwin miinwaa owi giizhiikigaadeg dibamaadiwin minwaamjigaadeg bazindaajigewin, miinwaa age gikendamowin awii miindwaa maamowi yaang waajii-ejig awaa zhichigewin awii aanwenjigaadeg, giishpin dowendiming.

Owi ekwa niizhing zhichigewin, aawang owi dzhinjigewin maanda **Mazinaakizigan E'naaknigeng** ada:

- 1) Wiindamaageng owi **Giizhiikigaade Dibamaadiwin Minwaamjigaadeg** miinwaa bangii dibaateg owi giizhiikigaade dabamaadiwin miinwaa nendowendaagwog;

- 2) Wiindamaagaaziwaad maamowi yaange waajii-ejig ado onashowe dibiniweziwinwaa abi njibaamgag owi Giizhiikigaade Dibamaadiwin Minwaamjigaadeg; memdage agwa, owi dikobizowin enwendaagwog owi giizhiikigaadeg dibamaadiwin minwaamjigaadeg kina gewe maamowi yaang waajii-ejig gaawii e'zaagiji biwidizijig owi giizhiikigaadeg dibamaadiwin owi nikii-aa ezhibiigaadeg;
- 3) Ozhibiigaadeg nendowendaagwog miinwaa ekwaaseg owi gewe nendowendamowaad awii **zaagoji-biiwidiziwaad** owi giizhiikigaadeg dibamaadiwin adaa zhichigewog; miinwaa
- 4) Miinding gikendamowin gewe Zhaabshkaajig Maamowi Yaang Waajii'ejig owi nikii-aa waazhi debnigaadeg owi gagwedwewin endowendaagwog e'dagosin bozibiigeng miinwaa Gagwedwewin Moshkinebiiganan.

Nadowenjigaadeg Awii wiindamowindwaa memaanji nishing minik gewe agaa gikinomaagaazijig epiichi zhaawaad odi Gichi Gimaa Anishinaabe Gabe Giizhig Gikino Amaadiwiigwaam maage Gichi Gimaa Gabe Giizhig Gikino Amaadiwiigwaam odi giuwedinang ², miinwaa age ado inodewiziwinwaa, miinwaa awii miingaaaziwaad zhisewin awii waabmdamwaad, gindamowaad, maage nondamowaad dibaajimowin miinwaa awii nsastamwaad ado dibiniweziwinwaa, miinwaa nkwetamowaad giishpin dowendamowaad shkwaa Giizhiikigaadeg Minwaamjigaadeg.

Ezhinaagwog Naanaagidowenjigaadeg Ninda eni zhibiigaadeg gikendamowinan zhinomaagemgad maada-ikiing nikii-aa nendowendaagwog awii debinigaadeg memaanji nishin nikii-aa mazinaakizigaadeg gajitowin:

- Owii Zhaabshkaajig Maamowi Yaang Waajii'ejig waawinjigaade aawang kina bemaadizijig agaa zhaajig Gichi Gimaa Anishinaabe Gabe Giizhig Gikino Amaadiwiigwaam maage Gichi Gimaa Gabe Giizhi Gikino Amaadiwiigwaam owi apii Maamowi Yaang Dikonigewin.
- Megwaach agwa 140,000 Zhaabshkaajig Maamowi Yaang Waajii'ejig yaa-aabi agii bimaadiziwog owi apii e'maajitaang Gichi Gimaa Dibaaknigewin *McLean* Dikongewin owi apii 2016. Megwaach agwa gewe Zhaabshkaajig Maamowi Yaang Waajii'ejig naazhisemgad megwaach agwa 2,000 waajii-ejig ensa biboon owi onji eni piitziwaad miinwaa aakoziwin.
- Gewe agaa skonwijig yaawog maziwe kiing Gaanada zhiwe shkonganing, biinji Anishinaabe odenwining/endanakiwaad e'dagosin giuwedinang odenwinan, miinwaa age maamowi-iing bemaadizijig yaawaad. Gewe endaaajig zaagiji Anishinaabe odenwining yaawog zaagaji odena miinwaa naanaagwi-iing gichi odenaang.
- Owii minik gikendaasowin epiitaag gewe maamowi yaang nowonj aawan. Aanwi agwa gichi niibna Maamowi Yaang Waajii-ejig gaawii agii giishtosiinaa-aa aanke skonwiwin, aanin agii debnaanaa-aa ishpi-gikino amaadiwin.
- Bangii aanin gewe Maamowi Yaang Waajii-ejig yaawog gibaakwa'idiigamgon maage daawog zaagiji-iing Gaanada.

² Megwaa e'zhibiigaadeg newen Gichi Gimaa Gabe Giizhig Gikino Amaadiwiigwaam waamdowemgad zhaazhigwa, agii tenon 11 Gichi Gimaa Gabe Giizhig Gikino Amaadiwiigwaam zhiwe giuwedinang Quebec; 29 zhiwe Northwest Territories; 7 zhiwe Nunavut; miinwaa 8 zhiwe Yukon.

- Mazinaakizigan mazinignan aabdeg awii tenon iniwewin maagsemigak awii wiindamowindwaa gewe agaa madokdaagaazijig (dibishko gonaa, Zhaagnaashiimiwin, Wemitigozhiimiwin, miinwaa naanan Giizhaa Agaa Yaajig iniwewinan).

Gowling WLG Dibaabijigewin gewe E'bozibiigejig Maamowi Yaang Waajii-ejig.

<u>Akiing Yaawaad</u>	<u>Minik aqaa Bozibiigejig</u>
Gaanada	78,184
Alberta	10,006
British Columbia	13,847
Manitoba	16,262
Saskatchewan	9,153
Ontario	11,254
Quebec	5,956
Newfoundland miinwaa Labrador	28
Prince Edward Island	159
Nova Scotia	2,550
New Brunwich	1,877
Nanavut	919
Northwest Territories	3,416
Yukon	211
USA	943
Australia	5
Germany	1
UK	2
Kina Maamowi	79,135

3. Memaanji Nishing Mazinaakizigan

Owi enda gshkichigaadeg owi Mazinaakizigan aawan awii wiindamaagaaziwaad gichi niibna maamowi yaang waajii-ejig owi nikii-aa memaanji nishing weweni ezhibiigaadeg, wenpanag awii nsastamiing, dibegenjigaadeg gego naagodowenjigaadeg gikendaasowin epiitaag maage iniwewin nendowendaagwog gewe maamowi yaang waajii-ejig. Maanda mazinaakizigan aabdeg awii dagosin:

(1) waazhi debnigaazad owa Maamowi Yaang Giigidonini awii nkwetang gagwedwewinan; (2)owi gindaasowin owi waasamo-asabi Mazina-igan, nyaagdownenjigaadeg owa Gagwedwewin Naagaanziitang maage Maamowi Yaang Giigidonini miinwaa maagwemgag dikobideg odi Giizhiikigaadeg Dibamaadiwin ezhi aanjibiigaadeg, Mazinaakoziginan owi Debwebiigan miinwaa Giizhiikigaadeg Dibamaadiwin Minwaamjigaadeg, maajiishkaachigewin maziniginan owi Giizhiikigaadeg Dibamaadiwin Minwaamjigaadeg miinwaa owi Minwaamjigaadeg Maamowi Yaange Giigidonini Engindaasad miinwaa aanin gechi piitendaagwog maziniganan zhinda dikonigewin. Maanda Mazinaakizigan owi Giizhiikigaadeg Dibamaadiwin Minwaamjigaadeg aabdeg awii waawinjigaadenon kina owi apii ekwaaseg giizhigadon, edagosing newen owi 90 minik giizhigag awii Zaagiji Biiwidiziyin, owi Maajitaamigag Gindaaso Giizhigag[to be updated as developments provide] miinwaa giishpin temgag, owi gindaaso giizhigag [start date/end date] owi apii gagwedwe moshkinebiiganan age temgag miinwaa awii daapnigaadeg owa Naagaanziitang Gagwedwewinan.

Nikiwaa awii Dibaajimang

Gnowaamjigaadeg gichi ishpendaagwog gewe maaamowi yaang waajii-ejig bwaa yaawaad giigidotamaageninwon nisastamiwin miinwaa gnowenjigaadeg onashowe dibinewiziwinan owi gagwedwewin zhichigewin maage zaagiji biiwidiziyin zhichigewin, mazinaakizigan kina maamowi yaang waajii-ejig aabdeg awii zoongag. Dibishko owi ntam zhichigewin mazinaakizigan, gikendamowin owi i) **Giizhiikigaadeg Dibamaadiwin Minwaamjigaadeg** e'dagosin maandobiigan owi Dibaaknige Gamig Giizhendamowin, ii) **Zaagoji Biiwidiziyin** zhichigewin miinwaa ekwaaseg giizhigad, miinwaa iii) owi **Maajitaamigag Gindaaso Giizhigak** ada wiindamaagem nikaazang Biiwaabikong mazinaatesjigan, giigido biiwaabikons, mazinaatesin mazinigan, odenaang dibaajimang; nikaazang mazinaatesijigwan, madwewechigan; nibwaachiding mazinaatesijigan miinwaa age waasamo mazinaatesing/biiwaabikong dibaajimowin; miinwaa mazinigan maajiibiigan owi apii dowendaagwog miinwaa nishing. Awa nda gshkichigaadeg owi Mazinaakizigan aawan awii wiindamaagaaziwaad gichi niibna byaabiichigaazijig maamowi yaang waajii-ejig owi nikii-aa memaanji nishing.

Iniwewinan owi Wiindamaageng

Zhaabshkaajig Maamowi Yaang Waajii'ejig zhiwe *McLean* Maamowi Yaang Dikonigewin miinwaa Inodewiziwin Maamowi Yaang Waajii-ejig daawog neniish agwa Gichi odeniwining miinwaa bagodikamig miziwe Gaanada. Owi 2016 Ginjigaaziwaad Bemaadizijig, memaanji niibna gewe Anishinbek agii waawiindaanaa-aa Zhaagnaashiimiwin maage Wemitigozhiimiwin ntam agaa iniwewaad, owi minik 1,303,260 miinwaa 187,055 newen, age megwaach 208,735 agii waawiindaanaa-aa Anishinaabe iniwewin ntam agaa iniwewaad.³ Megwe Giizhaa Agaa Yaajig iniwewinan e'nikaazang, omashkiigoomowin memaanji niibna yaawog enkaazijig, minik 94,410, owi Inuktituat miinwaa Ojibwe ani aawang 35,865 miinwaa 35,375.

Mazinaakizige maziniginan miinwaa Zaagoji Biiwidiziyin Moshkinebiiganan ada zhibiigaadenon ninda iniwewinan Zhaagnaashiimiwin, Wemitigozhiimiwin, omashkiigoomowin, Ojibwe, Dene, Inuktitut miinwaa Mi'kmaw.

³ Gikendamowin newen Giizhaa agaa Yaajig iniwewinan (90), Gikendamowin newen Iniwewinan: Bezhiig miinwaa Niibna Iniwewin Nakwetamowinan (3) Anishinaabe Yaawid (9), Anishinaabemowin Ntam Iniwewin (11), E'zhibiigaazijig maage Ishkoniganing Debendaagozijig Ezhigaabiwiwaad (3), Endaawaad owi Anishinaabe akiing (10) miinwaa epiitiziwaad (12) owi minik Bemaadizijig zhiwe Njike Debenjigaadeg Wiigwaaman maampii Gaanada, Kiinsing miinwaa Waasawekamig, 2016 Bemaadizijig Ginjigaaziwaad – 25% Dibaabijigewin, Statistics Canada, 2016 Bemaadizijig Ginjigaaziwaad, Statistics Canada Catalogue no. 98-400-X2016157.

4. Maamowi Yaange Giigidonini Giizhaa'ayaa gewe Maamowi Yaange Waajii-ejig

Gowling WLG (Canada) LLP agii waawiinjigaaza aawid Maamowi Yaange Giigidonini owa Enaakiniged Phelan odi Gichi Kiing Dibaaknige Gamig Ode-imini-giizis 21, 2018. Gdaa ganoonaa Maamowi Yaang Giigidonini odi:

Gowling WLG (Canada) LLP
160 Elgin Street
Suite 2600
Ottawa Ontario K1P 1C3

Wenpash Giigido biiwaabikons Gabe Giizhig Aasgaabiwitaage Zhichigewinan: 1-844-539-3815
Waasamo Biiwaabig Maajibiigewin: : dayschools@gowlingwlq.com

Robert Winogron, Partner
+1 613 786 0176
robert.winogron@gowlingwlq.com

Mary M. Thomson, Partner
+1 416 862 4644
mary.thomson@gowlingwlq.com

Jeremy Bouchard, Partner
+1 613 786 0246
jeremy.bouchard@gowlingwlq.com

Vanessa Lessard, Law Clerk
vanessa.lessard@gowlingwlq.com

Ekwa nikaazang Zaagibagaa Giizis 2016, Maamowi Yaang Giigidonini ado gnowendaan Dibaabijigewin gewe E'bozibiigejig Maamowi Yaang Waajii-ejig. Nongo megwaa dagosinon megwaach agwa 79,135 bezhigwajig gegwedwejig miinwaa aabaji aanjibiigaadeg. Maamowi Yaang Giigidonini debinaan 90 apiinish 125 abi giigidowinan ensa giizhigag penmandaagwog epiitaag dibaajimowin miinwaa enowendaagwog nankiiwin. Owi 1-800 ezhi giigidang megwaach agwa 129 abi giigidowinan ensa giizhigag.

Abi Giigidajig wiindamaagaaziwog awii zhaawaad odi Maamowi Yaang Dakonigewin waasamo-asabi mazina-igan, zhiwe temgag kina gikendamowin owi McLean Maamowi Yaang Dikonigewin miinwaa awii debinigaadeg gikendamowin awii niindaaweng nikaazang bozibiige moshkinebiigan. <https://ca.gowlingwlq.com/dayschoolclassaction/> miinwaa www.IndianDaySchools.com. Kina gikendamowin niindaaweng nikaazang moshkinebiige moshkinebiigan mazinaakizigaade odi ekwa bezhig dibaabijigewin.

Megwaach agwa 50% gewe e'bozibiigejig maamowi yaang waajii-ejig agii miigwenaa-aa waasamo biiwaabikons zhibiigan aawang waazhi debinindwaa. Memaanji niibna gewe e'bozibiigejig maamowi yaange waajii-ejig (95%) giigido biiwaabikons gindaasowin aawinanig ntam wazhi debnindwaa, aawang wiinwaa ado giigido biiwaabikons gindaasowin maage owi inodewiziwiniwaa maage enji maawinjiding odenaang. Aanin daa-aanaa-aa mazinaatesing mazinigan gindaasowin miinwaa agii gagwedwewog awii nikaazang maanda awii debinindwaa. Maamowi Yaang Giigidonini aga agii majiginaan besha nowendiwiwin gewe Assembly of First Nations, Regional Chiefs, Tribal Councils, Indigenous Bands maziwe kiing Gaanada miinwaa Odenwinan miinwaa Mina Wijiindiwin Wiigwaman maampii Gaanada akina.

Apii Manido Giizisons 6, 2018, owi Special Chiefs Assembly agii maajiishkaatonaa-aa kina maamowi Maajiishkaachigewin Gindaasowin 82/2018 (maajiishkaaton by Chief Brendan Mitchell, Qalipu Mi'kmaq First Nation in Newfoundland & Labrador, ekwa niizhing-maajiishkaatoon owa Chief Marcel Moody, Nisichawawsihk Cree Nation odi Manitoba), aasgaabwitamowaad owi Miziwe Kiing Anishinaabe Gabe Giizhi Gikino Amaadiiwiigwaam Maamowi Yaang Dikonigewinowin, *McLean v Canada*. Maamowi

Yaang Giigidonini agii gnonaan Ogimaag zhiwe Inuit odenwinan e'dagosin Nunavut Tungavik Inc., Makivik Corporation miinwaa owi Inuvialuit Regional Corporation. Zhiwe Giiwedinang, Gichi Gimaa Gabe Giizhi Gikino Amaadiiwiigwaaman agii miigwenaa-aa gegaa agwa naasaab znagendamowinan dibishko Gichi Gimaa Anishinaabe Gabe Giizhi Gikino Amaadiiwiigwaaman. Wiji-ewin zhiwe Zhaabshkaajig Maamowi Yaang Waajii'ejig") miinwaa enowendaagwog Inodewiziwin Maamowi Yaang Waajii-ejig kina dagoyaawog e'skonwijig agaa zhaawaad Gichi Gimaa Gabe Giizhi Gikino Amaadiiwiigwaaman agaazhi gekenjigaadeg odi Giiwedinang.

Maamowi Yaang Giigidonini agii bibaa yaawog maziwe kiing nibwaachaawaad woshme 55 odenwinan nongo agii wiikmigaaziwaad newen Ogima miinwaa Giigidoninwog naagaanzijig zhiwe odenwining. Zhaangswi dibaajimowinan agii zhichigaadenon odi Anishinaabe wijiindiwinan e'naabshkowaajig 50 aanke odenwinan. Nisiwi dibaajimowinan agii zhichigaadenon odi Mawaanjidiwaad gewe Anishinaabek. Maamowi Yaang Giigidonini zhitonaa-aan dibaajimowinan owi dikonigewin e'dagosin zhaazhigwaa agaa abi zhiwebak owi dikonigewin, engokwaag owi maamowi yaang wijiiewin, miinwaa gikendamowin owi Anishinaabe Gabe Giizhi Gikino Amaadiiwiigwaam Giizhiikigaadeg Dibamaadiwin. Maamowi Yaang Giigidonini agii desininjiitaa gewe aanin bkaan Giizhaa agaa Yaajig wijiindiwinan e'dagosin Inuit, Inuvialuit, miinwaa Wiisaakode naagaanzijig. Woshme nibwaachiwewin odi odenwinan naaknigem giishpin owi Giizhiikigaadeg Dibamaadiwin Bezhiwendamowin debnigaadeg Dibaaknige Gamig Minwaamjigewin.

5. MAZINAAKIZIGAN E'NAAKNIGENG AWII MIIGWENG

Awii miigweng ekwa niizhing zhichigewin Mazinaakizigan E'naaknigeng, Maamowi Yaang Giigidonini agii wiji nakiimaa-aan Argyle Public Relationships ("Argyle PR"), Toronto etemgag wiindamaagewin nakiiwin maagwewaad nagajitowin newen wiindamaagewin nankiiwin, waasamo mazinesijig miinwaa nibwaachiding mazinaatesijigan, mazinaatesijigan zhitowaad miinwaa bemaadzijig wiikbinigaaziwaad, miinwaa aanin bkaan nankiiwin. Maamowi Yaang Giigidonini miinwaa Argyle PR wiji nakiindwog awii zhitowaad awaa nsastaachigaadeg zhibiigewin miinwaa niigaanendaagwog dibaajimowinan owi Giizhiikigaadeg Dibamaadiwin Bezhiwendamowin miinwaa Gagwedwewin Zhichigewin, miinwaa age zongag Q&A newen znagendamowin e'bijiigaadeg. Ndo inendamami awii zhito-aang gamaaminig mazinaatesijigan wewiib age temgag awii gnowaamdawaad Maamowi Yaang Waajii-ejig; debaachigaadeg dagosinon maandosijigan owi Minwaamjigaadeg Giizhiikigaadeg Dibamaadiwin: gikendamowin owi zaagijibiwidiziyin zhibiigaadeg newen onashowe ezhiwebak zhichigeng/bwaa zhichigeng; waamdowemigad owi gagwedwewin nankiiwin miinwaa owi gagwedwe moshkinebiigan e-dagosin owi dinowa gikenjigewin awaa dagosin awii aasgaabwitaagemgag; miinwaa zhibiigan nowonj nikii-aa waazhi debinigaadeg woshme gikendamowin.

Owi Mazinaakizigan E'naaknigeng, giishpin minwaamjigaadeg, naagdowenjigaade bakwengaadeg naangzhewin owi Mazinaakizigan gewe Zhaabshkaajig Maamowi Yaang Waajii'ejig eni zhibiigaadeg:

MAAMOWI YAANG GIIGIDONINI ado naangzhewin aawan gagwek wiindamaagewin gewe Giizhaa Agaa Yaajig odenwinan owi mazinaakizigaade miinwaa aanjibiigaadeg dibaaknige menwaamjigaadeg gikendamowin owi nikii-aa owi Mazinaakizigan yaawong eni zhibiigaadeg:

- Kina gewe Gichi Gimaa Anishinaabe miinwaa Gichi Gimaa Gabe Giizhi Gikino Amaadiiwiigwaam aga bozibiigejig owi nikii-aa giigido biibaabikons gindaasowin, waasamo biibaabikons zhibiigan, maajibiiganan ezhi niindaaweng owi megwa miinwaa

aanjibiigaadeg waazhi debinindwa gikendamowin.⁴ Owi bebakaan dnowaa nikii-aa etemgag waazhi wiindamaageng zhibiigaadenon maampii niisa-iing:

Izhichigewin awii Wiindamaageng	Minik Ezhiinwaad agaa Bozibiigejig Maamowi Yaang Wajji-ejig
Waasamo Biiwaabikong Zhibiigan	40,164
Mazinaakizigaan	4,566
Giigido Biiwaabikons	77,543
Nindaaweng Epangjibideg Maziniginan	39,671

- Odi Ozhibii` igewiigwaaman, Maawinjiding Wiigwaaman, Mina Wijiindiwin Wiigwamanan, miinwaa Giizhaa Agaa Yaajig Ozhibii` igewiigwaman zhiwe megwaach agwa 700 Giizhaa Agaa Yaajig odenwinan zhiwe zhibiigaadeg Anishinaabe Gabe Giizhig Gikino Amaadiiwiigwaaman agii makigaadeg nikaazang waasamo biiwaabikong zhibiigan miinwaa mazinaakizigan (B&W ada bagidinaan awii mazinaakoziigaadeg miinwaa aaswaakogaadeg)
- Odi kina agwa Assembly of First Nations e`dagosing National Chief miinwaa kina Regional Chiefs nikaazang waasamo biiwaabikong zhibiigan miinwaa mazinaakizigan (B&W ada bagidinaan awii mazinaakoziigaadeg miinwaa aaswaakogaadeg)
- Odi Tribal Councils miinwaa National Association newen Friendship Centres, e`dagosing 112 Regional Centres, nikaazang waasamo biiwaabikong zhibiigan miinwaa mazinaakizigan (B&W ada bagidinaan awii mazinaakoziigaadeg miinwaa aaswaakogaadeg)
- Odi Inuit miinwaa Inuvialuit wijiindiwinan (ITH, NTI, MAKIVIK wijiindiwinan) miinwaa ado Mina Wijiindiwin Wiigwamanan, e`dagosing, gaawi dash goweta, Tungasuvvingat Inuit.
- Odi Regional miinwaa National Indigenous Governments nikaazang waasamo biiwaabikong zhibiigan miinwaa mazinaakizigan
- Odi gibaakwa`idiigamgon naagidowaad owi zhiibiniketaang zhiwe ntam zhichigewin owi Mazinaakizigan.
- Aabaji nibwaachiweng newen odenwinan owi Maamowi Yaang Giigidonini wiikimind awii zhaad.

ARGYLE PR ada zhitonaa-aa miinwaa ada naangzhewog awii mazinaakizigaadeg miinwaa aanjibiimowaad mazinaatesijigan zhichigewin (ngadendamang gete inajimowin miinwaa

⁴ Dash gegaa kina agaa boozibiigejig Maamowin Yaang Wajji-ejig adaa debnigaazwog giigido biiwaabikons miinwaa waasamo biiwaabikons zhibiigan, memdage agwa ada ishpenjigaade owi miigweng dibaajimowin nikaazang giigidowin wiindamaagewin mazinebiigewin miinwaa giigidowin biindwewesijige, miinwaa age biiwaabikong mazinaatesijigewin.

waasamo biiwaabikong inaajimowin) epiichi temgag Mazinaakizigan Yaawong agaa zhichigaadeg nowonj dnowaa iniwewinan, eni zhibiigaadeg:

- Canadian Newswire (CNW) Release(s) wiindamaageng owi Mazinaakizigan owi Giizhendamowin Dibamaadiwin Minwaamjigaadeg, giishpin bagidnigaadeg, zhiwe nikii-aa biiwaabikong izhichigewin miinwaa niibna mazinaatesijigan waasamo-asabi maziniginan.
- PSAs owi Aboriginal Radio PSAs (APTN online, CBC Radio/CBC Indigenous/CBC North)
- Mazinaatesijigan awaa waamdoweng zhiwe Anishinaabe miinwaa kina bemaadizijig genwaabmidang.
- Gikenjigewin mazinaatesijigan nowonj gego dibaachigaadeg awii swe-okiing odi ntam agaa yaajig odeniwinan
- owi kowaabmjigaadeg Anishinaabe Gabe Giizhig Gikino Amaadiwiigwaaman Facebook (awii aanjibiigaadeg ekwa niizh aname giizhigag maage ezhi dowendaagwog) kina agwa owi ekwa niizhing zhichigewin Mazinaakizigan Yaawong newen gechi piitendaagwog wiindamaagewinan ezhi nokiid Maamowi Yaang Giigidonini, aawang inaadiziwin minaadenjigaadeg wiindamaagewin
- Owi kowaabmjigaadeg Anishinaabe Gabe Giizhig Gikino Amaadiwiigwaaman waasamo-asabi mazina-igan (awii aanjibiigaadeg ekwa niizh aname giizhigag maage ezhi dowendaagwog) kina agwa owi ekwa niizhing zhichigewin Mazinaakizigan Yaawong newen gechi piitendaagwog wiindamaagewinan ezhi nokiid Maamowi Yaang Giigidonini, aawang inaadiziwin minaadenjigaadeg wiindamaagewin
- Zhitowaad miinwaa naagdowendamowaad owi Anishinaabe Gabe Giizhig Gikino Amaadiwiigwaaman Twitter mazinigan (awii aanjibiigaadeg ekwa niizh aname giizhigag maage ezhi dowendaagwog)
- Zhichigaadeg miinwaa niindaaweng owi PSAs odi Ntam agaa Yaajig madwewechigan
- Zhichigaadeg miinwaa niindaaweng owi PSAs odi Ntam agaa Yaajig mazinaatesijigan (owi goweta Ekwa Niishing zhichigewin)
- Zhichigaadeg miinwaa niindaaweng owi gagwedwe nakweshkdaadiwin, zhibiiganan zhiwe Ntam agaa Yaajig maziniginan (dibishko gonaa, Assembly of First Nations publications, NationTalk <http://nationsalk.ca/>; First Nations Drum <http://www.firstnationsdrum.com/>; Turtle Island News <http://theturtleislandnews.com/> ; Nunatsiq News <https://nunatsiq.com/>)
- Zhichigaadeg miinwaa niindaaweng owi gagwedwe nakweshkdaadiwin, zhibiiganan zhiwe kina bemaadizijig maziniginan (dibishko gonaa, Canadian Press, The StarPhoenix, Winnipeg Free Press, miinwaa aanin)
- gagwedwe nakweshkdaadiwin gewe niigaani giigidotamaagejig owi madwewechigan, mazinaatesijigan, maziniginan ezhi downenjigaadeg
- Zhichigaadeg nibwaachiding mazinaatesijigan etemgag giizhigadoo-mazina`igan jibwaa aawang Ekwa Niizing Zhichigewin miinwaa aanke naagidowenjigaadeg owi

nibwaachiding mazinaatesijigan etemgag miinwaa nibwaachiding mazinaatesijigan
waamdoweng

Argyle PR ada zhitonaa-aa niigaanendaagwog dibaajimowinan ninda eni zhibiigaadegin
iniwewinan nikaazang newen ntam iniwewinan anikaazang kina iniiganawang Ntam agaa Yaajig
bemaadizijig: Zhaagnaashimiwin, Wemitogozhiimiwin, Omashkiigoomowin, Inuktitut, Ojibwe,
Dene miinwaa Mi'kmaw.

**Woshme kina gikendamowin newen Shkwe-aang agaa Zhiwebak Statistics miinwaa
gikendamowin zhiwe onji owi enaaknigaadeg Mazinaakizigan E'naaknigeng ezhi
maajitaamigag, gnowaabmdan *McLean et v Canada Mazinaakizigan E'naaknigeng Gino
Biigaadeg*, aaswaakogaadeg odi www.indiandayschools.com.**